

ديوان
شعر
بالعامية

MISSING

محدث مشاف وطن!

علي سلامة



أشعار بالعامية

محدث شاف وطن!

علي سلامة



العنوان:
محدث شاف وطن!

تأليف:
علي سلامة

إشراف عام:
داليا محمد إبراهيم

جميع الحقوق محفوظة © لدار نهضة مصر للنشر

يحظر طبع أو نشر أو تصوير أو تخزين
أي جزء من هذا الكتاب بآيه وسيله إلكترونيه أو ميكانيكيه
أو بالتصوير أو خلاف ذلك إلا بإذن كتابي صريح من الناشر.

الترقيم الدولي: 1-4636-14-977-978

رقم الإيداع: 20116 / 2013

الطبعة الأولى: نوفمبر 2013

تليفون: 02 33472864 - 33466434

فاكس: 02 33462576

خدمة العملاء: 16766

Website: www.nahdetmisr.com

E-mail: publishing@nahdetmisr.com



تأسسها أحمد محمد إبراهيم سنة 1938

21 شارع أحمد عرابي -
المهندسين - الجيزة

محش
شاق
وطن!

إهداء

إلى عبدالله علي سلامة.

علي سلامة

آخر العنقود

لو تعرف أد إيه إنت جميل
جميل .. يا عبد الله .. جميل ..
ساعني ..

إمبارح كان دمي ثقيل ..
الشارع مابقاش زي الأول يا ابني
مطرح مانميل .. ممكن نرتاح
بقينا بنعدي من زحمه لزحمه
و كأننا بنطارد أشباح ..

إبني الصغير
يا لخته الحلوه اللي في قلبي
يا آخر العنقود ..
ساعني ..

إمبارح راجع مهدود ..
زي عمود النور الخربان
شبه الصوره اللي في الصفحه الأولى
في الجورنان ..
ومفیش بين كل العناوين
عنوان واحد للأفراح ..

محبتي لسان وطن!

عارف..

كل ما عيني تقع

على شهادة النجاح..

أرجع ابص عليك.. وعالشارع

أعرف إنها ورقه

زي بقيت الورق اللي اصفر

ومات في مكانه وراح..

هات حضن لبابا ياعبد الله

علشان أعرف أضحك من قلبي

وأقدر ابصّ في وشك..

صعب..

تبقي أنت الحته الطاهره اللي ف قلبي

وأغشك ..

ساعني..

مفیش حاجه شيلتها ف قلبك وضعت..
من أول قصقصة ورق
كتبت عليها قصيده وماعرفتش أكملها..
ولحد آخر دمعته ف وسط الزحمة محدش خد
باله منها..
إلا انتي....

محبي شادي وطن!

كشك الحراسه

أنا لما بافرح
بحكي للدنيا كلها
حتى لطوب الأرض
واحزن.. أخبي
واسكت كأني
عمري ما عرفت الكلام..
علمتي الغره
أعد العمر بالثانيه
وامسك بروحي في الأيام..
ما بخفش م الضلمه
لكن بحب أنام ف حضن وناسه..
ما عنديش بطاقه انتخايه
وعمري ما اتمنيت أكون وزير
ولا اتصورت إني أشوف تحت بيتي
كشك حراسه..
وجوايا طفل
بيعشق الحريه

وبيكره العصايا
حتى لو كانت مصاصه..
وخدي بالك..
لو فكرتي تقتليني
يمكن تحتاجي أكثر من رصاصه..
لإني حتى وأنا بنزف
يبقى فيه دايماً أمل إني أعيش..
وإن غبت..
ماتسألش..
أنا لا يرجعني حكم محكمه
ولا عسكري..
لكن يرجعني الحنين للغنا
وعشق الحياه في دمي
زي أحزاني..
ورائه..

مصطفى شاق وطن!

بحب البرد

ويا سلام
لو حد هرب م الدوشه
وراح وجابلي ورد..
واموت م الفرحة والدهشه
لو كتبت قصيده
وقولتي حلوه..
قولها ثاني..
أتنطط زي العيال الصغيرين
وأقولك احلف.. والله العظيم
بتتكلم بجد؟
يمكن عشان أيام الفرح قليله
سهل تتعد..
عارف..
رغم إن المخازن كل يوم بتتحرق
ومفيش حساب ولا جرد..
ورغم وجود السيرك
والأراجوز..
والتلات ورقات..

وجوز وفرد ..
عمري ما اتمنيت أكون أمير
أو ولي عهد ..
لكني بحلم بوطن
مفيهوش ولا حاره سد..
وطن يفرح بحاجه
غير وصول الأهل للبابان
وحزنه أنبل
م الدموع البلاستيك
وعمليات التجميل
والشفط والشد ..
عارف...
رغم انها
بتقع ..
بتغرق..
بتتنيل بستين نيله..
لكن جميله
وعمرها ما هاتتهد..
عشان كده
أنا لسه بحب حاجه
ولسه ف قلبي حد..

مصطفى شاذي وطن!

اللَّهُ يَرْحَمُكَ يَا سَبَّتُ

في كل بلكونه ف البيت..
كان السبت المتعلق ديمًا ع الحيط..
أنزله يرجع بالقول..
وعمره يوم ما دلقي الزيت..
وانزله يرجع جورنان..
وانزله يرجع بالعيش..
وانزله يرجع قمصان..
ف وسطهم أفروا الجيش..
وانزله يرجع إنسان..
وانزله يرجع نسمة..
وطفل لسه مش طایل سور الكورنيش..
وانزله يرجع أفراح..
يوم النتيجة وزمايلي..
وشهادة نجاح..
وانزله يرجع جوابات..
وانزله يرجع حكايات..
دقه قلبي..

أول مره..
قلت أنا حبيت..
وانزله يرجع أيام..
وانزله يرجع أحلام..
دلوقتي بنزل أنا والسبت والبيت..
ونرجع إيد ورا وإيد قدام..
لا فرح معانا..
ولا حتى إبره وخيط..

٠ محبتي شاتي وطن!

زراير القميص

بافرح أوي لما أقفشك طفله..
تلعب معايا استغرايه..
وعروسه وعريس..
وأخاف على ضحكك..
أخيه بين الكتب والكراريس..
وبافرح أوي لما المحك أم..
بترفض ترد الباب ورايا..
تبص ف عيوني..
وتفرح معايا..
تحضني بقلبها..
وتدعي لي ف سرها..
وهي بتبت..
علي زراير القميص..

بحبك يا قلبي..

قلبي الوحيد..
الي من يوم ما اتولدت
ما خدش ولا يوم أجازة..
شغال..
سنين سفر.. ترحال
شال همومي عن رضا..
لا يوم كسّر فوشي
ولا قاللي ليه عملت كده..
وف عز انشغالي
فكرني بهدوم العيد
واشترى لعب للعيال..
اتحمل غبائي..
وسوء اختياري..
وطيشي..
وأحزاني..
راح معايا الفرح
ومشينا سوا ورا ميت جنازه..

محش شاه وطن!

ودقنا طعم المر
والفرح وهو طازه..
عرفني سكة الأصحاب
وفتح أحضاني للأحباب
وعلمني إن الستر
مش لقمه
واربع حيطان وباب..
ولوف يوم
كان فيه ما بنّا عتاب..
يميل عليّ وبرقه
يوشوشني
ويدلّني ع الحق..
ياه..
بحبك يا قلبي
أرجوك
إوعى تبطل دق..

كل الحكايه...

مسافر..

لا تأشيره دخول..

ولا تذاكر..

زي مطاريد الجبل

باهرب من عساكر لعساكر..

ميدان الجيزه

ضيعت شوية سنين كده ..
بحب من بعيد لبعيد ..
والحكايه مقضياني
ومبسوط وراضي وسعيد..
أفرح بأي حاجه
وأستنى هدوم العيد ..
وبعدين ضيعت شوية سنين
نفسي أبقى أشطر واحد في الكيميا
مع إني مش فاهم ميدان الجيزه ..
والحياء رغم قسوتها
شايفها لذيله..
وضيعت شوية سنين بقى
نفسي أعدي اختبارات الكوره
في النادي الأهلي..
وأشتغل في وكالة ناسا
وأبقى واحد من العلماء المهمين..
وبعدين ضيعت شوية سنين

منتهى أمني كرسي فاضي
في أتوبيس ثلاث خسرات
عين الصيره أم المصريين ..
وضيعة شوية سنين
عايز أفهم
الفرق بين النكسه والهزيمة
والاحترام وقلة القيمة
وازاى أبقي نجم سيما
وواحد م المشهورين ..
وبعين ضيعة شوية سنين
واقف عند نظريه المؤامرة ..
لا عارف أعيش ف الزمالك
ولا راضي أعيش في غمره ..
ومش عارف ليه الحشيش ممنوع
مدام مصر حين بالخمره ..
ويا ترى بقى أتجوز واحده بيضا
ولاً سمره؟
ولاً أسأل فيها
رجال الفتوى والدين ..
وضيعة شوية سنين

محبتي لبلادي وطني!

مركز في السيراميك
والبيبان والشبايك
والوان الحيطان..
وده بيع وده سن فيل
والموضه الاصفر قشرة المزه
وضيعت شويه سنين
لا أنا بحر ولا نيل
حاجه كده بعيد عنك
ملهاش عوزه..
ولما بقيت كام وخمسين
لقتني لسه
بحب من بعيد لبعيد..
وبرضه مش فاهم
ميدان الجيزه..

تقاسيم ع العود..

لما كنت شاعر..
كان كل الغنا حزين..
ولما بقيت عصفور..
كثروا الصيادين..
ويوم ما قبلت قلبي..
معرفش أنا ابقني مين..
طب أعمل ايه..
لما كنت حلو..
ماكانش عندي كاميرا..
وقلت قشطه يا ابيض..
حببتي واحده سمرا..
وكل ما انوي اتوب..
بيرخصوا الخمره..
وانا اعمل ايه..
لما كنت أسد..
ماكانش فيه غابه..
ولما بقيت مفترى..

محشوشان وطن!

ما بقاش فيه ناس غلابه..

وعلى ما اكتشفت النبلة..

كانوا اخترعوا الدبابه..

وانا اعمل ايه؟

إيه..؟

إيه..؟

زحمه الورق

دي صورة جواز السفر ..
وهنا باصص ع القمر ..
وهنا ابتدى يان الكبير ..
وابتدي يبقالي قرش ..
وده عقد الشقه القديمه
وده أول وصل نور
والقيمه المطلوبه
تلاته وتلاتين قرش ..
يااااااه!
ودي ورقه بعشره جنيه
من ريحة السبعينات ..
في عز الحرب كانت
تقدر تعمل حاجات ..
وده صاحبي من زمن
لما افكرت اسأل عليه
عرفت إنه مات ..
وده يوم الفرح ..

محدث شان وطن!

ودي البدله الكحلي القديمه
اللي لسه زحمه الدولاب
اتجوزنا ف أغسطس
والحكاية بدأت ف مارس..
إحساس وراح لحاله
لما ابتدوا العيال
يشيلوا شنط ثقيله
وهم رايحين المدارس..
ودي ورقه مهمه خالص
كل ما الاقيها..
تنوه مني تاني
في زحمة الورق..

بضمان محل الإقامة..

دخلت دنيا وخرجت منها
لعدم كفاية الأدلة..
لما اكتشفنا أنا والمحكمة
إن مفيش ف مصر
حاجه مستقله..
ولا فيه معارضه
لكن فيه هدف مشكوك ف صحته
وكره طائشه ف العارضه
وعرض مغري على زيت القليّه..
أما عن بيانات البطاقه الشخصيه..
الاسم زي حاجات كتير
مش واضح..
وبخصوص العنوان..
القلب تعب لف ودوران
على حضن ينفع سكن..
أما الوطن..
شكل مطفي على ورق لميع..

محششان وطن!

لون العيون: انظر الصوره
تشوفها عسلي تشوفها بني
متروك لإحساسك
وكانت شهادة الشهود
إني مواطن وزوج وأب مطيع..
نسيت روحي ف شنطة سفر
عشان عايز أرضي الجميع..
وبالكشف على تليفوني المحمول..
عدّدت عليه كل الفصول..
إلا الربيع..
تلات رسائل من ابني
بابات كلمني.. شكرًا
ورسالة من بنتي..
مش انت يا بابا قلت
المهم نفهم ومش مهم المجاميع؟
آدينني لما فهمت يا بابا
مش لاقيه مكان ف الجامعة
وفي احتمال مستقبلي يضيع..
وأربعين رساله من مراقي
كلهم شبه بعض

معندناش.. معندناش.. معندناش..
متنساش.. متنساش.. متنساش..
الزيت.. الزيت.. الزيت..
وف النهايه..
تم الإفراج عني بضمان محل الإقامة
وخرجت..
لا لاقيت الإقامة..
ولا لاقيت البيت..

محبى شان وطن!

كيس البرتقان

ملقيتش في الشتا ونيس
غير كيس البرتقان ..
آخذ منه وأقشر
واضحك أحسن ما اكثّر ..
واكذب على روحي وافشّر
وأصدق إني بقدر
أفرح زي زمان ..
ولما خلص البرتقان
وراح م المكان الونس ..
قربت م التليفون
جايز یرن الجرس ..
لاقيتني أنا وروحي
مش مرتاحين لبعض
قلت مش مشكله
المره الجايه بقى
أعمل حسابي ف قفص
مليان بالبرتقان ..

فضلنا نبص لبعض..

نبص لبعض..

ونبص ف الساعات..

مستنين مين يقول للتاني كل سنه وانت طيب

لحد ما الوقت فات..

عرفتي يا حبيبتي

أد إيه صعب السكات..

لب وسوداني

بقولها ما تيجي نهر
نجري ونلعب..
ونكسر كل الحاجات..
ونجيب م الي فات..
يومين حلوين...
قالتلي والنبي إنت فايق ورايق..
قولتلها طب وليه نتضايق؟
إحنا لسه صغيرين..
واكبر عيالنا..
يا دوب تسع سنين..
يعني لو بنحكم مصر..
تبقى يا دوب لفه ونص..
مش عشرين..
- وطى صوتك البيت بتذاكر..
والواد ماصدقت انه نام...
إنما إيه الي صغى ف قلبك من تاني الغرام..
قولتلها جوإيا كلمتين غزل..
قالتلي والنبي إنت غسل..

بس هي الظروف..
- ماها الظروف؟
فاكره لما كنتي بتحوشي م المصري؟
جبتيلي ورد ف عيد ميلادي..
- وجبتلك بلوفر صوف..
- وجبتيلي بلوفر صوف..
- فاكر لما بوسنتي واحنا لسه مخطوبين وابويا لاحظ؟
يالهوي كنت هموت م الكسوف..
- فاكره أول مره قلت لك بحبك؟
وشك احمر
- إنت اللي وشك كان مخطوف..
- مش انتي كنتي بترسمي زمان؟
- وانت كمان كنت بتكتب شعر..
- هو احنا بطلنا نحس؟
- إحنا بطلنا نشوف..
وطلعنا اللب والسوداني..
وفتحنا التلفزيون..
وسكتنا تاني..
ولا زال السبب..
غير معروف..
غير معروف

محبي شان وطن!

كلام سخيـف

زهقت من قولة
دي بنت بألف راجل
أنا عايزه أحس اني معاك
مخلوق ضعيف..
وإني فعلاً بتتمي لجنسي اللطيف..
إحمني من حزني
ومن إحساس مخيف..
طول النهار مكشره
وواخداها جد..
ولم شعري على ورا
ومش شايفه حد..
والدنيا حر موت وأنا
مليانه برد..
وكل ده عشان يادوب
أعدي الرصيف..
ماعدش ف الشارع شجر
بيرمي ضل ..

وكل يوم حاجات تضيع
وحاجات تقل..
وانا خلاص
ماعرفش ليه بقيت أمل
واعذرني لو كان الكلام
مُرّ وسخيف..

كارت جديد

جبت كارت جديد وشخنت..
وسمعت الرصيد..
وانبسطت..
وقولت أطلبها..
طلبتّها..
ولسه هاقولها..
أنا بحبك..
قالتلي الأسانسير عطلان..
والواد خد الدور..
سخن ملهلب نار بردان..
إن لقيت برتقان في سكتك هات..
ولو عديت على أجز خانات..
إبقى رنّلي..
قفلت.. وقعدت ع الرصيف..
أبص ع الدنيا والدنيا تبصّلي..
ووقفت قدام الأجز خانه..
أبحلق ف الإزاز..

صَحَّاني صوت الصيدلي..

عايز حاجه يا أستاذ؟

قلت له:

تشتري التليفون ده ببلاش؟

ومن ساعتها بكلمتهاش..

محش شای وطن!

عایزه انام

خد وادي معايا
وقولي كلام غير أي كلام..
ولّا الدنيا خلاص
والناس بطلوا حب وأحلام؟
طب أقولك..
إحكي لي حدوته لحد ما انام..
والعبي في شعري
بقاله سنين مشدودع البكر..
في بطاقتي الشخصيه..
مثبوت إن أنا أنثى وإنك ذكر..
والميه الرايقه ساكته سنين وملاها العكر..
كام صيف وشتا وخريف ومطر
فتش جوايا..
تلقى حاجات وحاجات وحاجات..
ضحك الفوانيس..
وعروسه وعريس..
ودلع ومياصه ولؤم بنات..

وجرّب تعزف..
يمكن لسه جَوّانا نغم وعجب..
وساخصني ان كنت صريحه معاك
شايفاك في عيونك نار وغضب..
سمعاك بتقول:
ودي مين رباها بنت الكلب
قليلة الأدب؟

محدث شان وطن!

رياضه..

بقولها انا حاسس بفراغ
قالتلي العب رياضه ..
قلتلهافيش حاجه لها طعم
قالتلي يقطعني..
أكون عملت القهوه ساده؟
قولتلها احنا محتاجين نقرب من بعض..
قالتلي طب شيل إنت الكرسي
وانا هعُدّل السجاده..

كنت كل ما اشتري لعبه.. أخبئها

واستناكي تخفي...

عشان نلعب سوا بيها

واستنى..

واشتري غيرها

وأشتري اللي بعديها

واتمنى تقومي ويروح عنك التعب..

لحد ما ضاقت هدوم العيد

وصفرت علينا اللعب..

وانتي لا بتخفي..

ولا انا باقدر اللعب مع حد غيرك..

محدثى شام وطن!

مصر اللي ما خدنهاش في المدرسه..

إحنا بلد

حببيك يبلعلك الزلط..

والوزير يقول بيانات غلط..

والرئيس يوقع.. والميه تكذب الغطاس

واحنا بلد..

كل ما تنزحم الشوارع

تحتفي الناس..

واحنا بلد العلم ف الراس ..

والامتحان من كتاب الوزاره

والإجابہ من الكتاب الخارجى

والنتيجه.. ارمي حولك على الله

واحنا بلد..

من سبع تلاف سنه يقول آه..

وفكرينه بيهزر

واحنا بلد..

لا بقى قادر يضحك

ولا عارف يكشر..

واحنا بلد..
يحفظ أغاني العشوق الكورنيش..
وينساها ف طابور العيش..
يتجوزع الرصيف
ويطلق لما يلاقي شقه..
واحنا بلد..
الفهلوه والجدعنه
وإدي زوبه زقه..
واحنا بلد..
إتعود يقول نعم
لحد ما نسي كلمة لأه..
واحنا بلد بيلعب كثير ف الساعه
لحد ما باظت والوقت ضاع..
واحنا بلد ييكى يوم الفرح
ويغني ف لحظه الوداع..
واحنا بلد..
كل اللي اتعلمه من كتب العربي
إن السين لها ثلاث سنان..
واحنا بلد..
بيشمر البنطلون

ماتأخذش فى بالك

الدنيا مش ديا طيه ..
وتعمل إيه
يا اللي انت دموعك قربه؟
وما بتخيش ..
تمد إيدك ف جيب القميص ..
تطلع الورقه اللي فيها
اسم الدوا
كام أجز خانه ..
والإجاباه
نفس الإجاباه ..
مفيش ..
الدوا ده ناقص ..
يمكن بيعجي كمان شهر
وجايز مايحيش خالص ..
اسأل قدام ..
إنت عارف الدوا ده بكام؟
سألت ودورت ولفيت

محش مشاي وطن!

تعبت ..
ولا قيتني قريب من هنا
قلت أعدّي
بس ياريتني ما عدّيت ..
شوفتك
حد شبه صاحبي
لكن مش هو ..
الثاني كان أصغر منك بكثير
وأجل منك بكثير
شربت قهوه وميه وعصير
بطعم الحيره اللي ف شارع القصر العيني
وتعب عسكري واقف خدّمه
ف عز حر أغسطس ف قلب ميدان التحرير ..
ونزلت ادوّر من تاني ..
عن صاحبي اللي بجد ..
واسأل ع الدوا
وأسمع نفس الرد ..
مفيش ..
ناقص ..
يمكن بيعجي كمان شهر
وجايز مايحيش خالص ..

أبويا العزيز

كنت صغير
ومش واخذ بالي..
إن القلب اللي بيضحك ده
مليان ع الآخر ومعبي..
كان نفسي أقولُه
علمني يا أبويا أزاى الرجل
يقدر على دمعه..
وازاى بيخبي..
لو بيكي..
ياخذ جنب..
ولو يضحك..
ضحكته بتجيب آخر الشارع..
كان نفسي أقولُه
لكنه راح..
وقالي اعرفها لو حدك
أتاريه كان رايح مش راجع..
ماعرفش ليه هف عليَّ النهارده

.. محبش شان وطن!

يمكن عشان..
مبقاش الحزن زي زمان.. طيب
بقى بيعري جراحنا
وما حدش شايف..
وما حدش سامع..
ولا حد قريب..

قبل القطر ما يقول توت

قبل القطر ما يتحرك بدقيقه..
سلمتي بسرعه وجريتي
ياترى كنتي بتهربي من لحظه وداع
ولأخافه اسألك..
تبان ف عينيك الحقيقه؟
سلمتي..
وروحتي..
لا قلتي خد بالك على روحك
الدنيا ف الليل بتبرد..
والناس ف الغربه
من دمعه بتمرض وتموت..
إشمعنى المره دي
غاب حضنك عني
وساب البرد يستفرد بيا
من قبل حتى القطر ما يقول توت؟

محش مشاي وطن!

عائز أكرهك..

عائز أكرهك..

بس مش قادر..

و نفسي احضنك..

و برضه مش قادر..

عائز اشطبك من كل الدفاتر..

جريت أبعد..

وانسى بالسفر..

قضيت العمر كله مسافر .

و برضه مش قادر..

تقبله الأيام ع القلب
كأنها جبل حجاره..
تشيل حجر..
تلاقي حجر..
انا عارف إنك حزينه
وان اقرب ضحكه فينا
قدامها سنين سفر..
وانا عارف انك جريحه
لكن من قسوة الحقيقه
مش عايز اسمع الخبر..

محبت شان وطن!

بطاقه تموين..

رساله رايجه..
ورساله جايه..
والقلب طاير..
والدنيا حلوه..
والهوا طير كل الستاير..
قالتي صورتك جميله..
قولتلها كان عيد ميلادي..
والدنيا برد.. أواخر يناير..
والأموره دي حضرتك..
قالتي دي أول مره..
أسيب شعري حر كده..
من غير ضفاير..
إنت باين عليك ابن حلال..
قولتلها أوي والله..
وخجول جدًا..
لا قهوه ولا شاي ولا سجاير..
خريج علوم قسم كيميا..

ويشتغل ف التنسيق الحضاري..
وعندي وصله دش ونت..
شرکه مع کل العماير..
قالتلي أنا زراعه قسم حشرات..
وموظفه ف الشهر العقاري..
طول النهار أختم توكيلات..
معظمها للبيع وللمحامي..
مصر كلها ف المحاكم..
ومفیش ضماير..
قلتلهام عامله إيه..
مع الزحمه والناس؟
قالتلي باخد توك توك..
واكمل بميكرو باص..
وکل ما ارسم قمر..
يطلع يا دوب شويه دواير..
إحنا خمسة اخوات..
ولد على أربع بنات..
أمي عايشه..
وأبویا مات..
والموت علينا حق..

محدث شان وطن!

وده كاس ودایر..
قلتلهيا يعني يتيمه زيي..
أنا أبويا وأمي ماتوا..
وسابوا الستر..
وبطاقة تموين..
ونص فدان مانجه..
من ثلاثين سنه..
لسه بشاير..
قالتلي مش عارفه ليه..
ارتحتلك وفتحيتك قلبي..
قولتلها وأنا كمان..
ولسه ها قولها انا حييتك..
النت فصل يا معلم..
ولاقيتني ف الهوا..
أنا..
وروحي..
وبطاقة التموين..
وشوية زراير..

طراطيش كلام

سمعت بس طراطيش كلام
والسلام عليكم
عليكم السلام ..
بقيت بخاف أنا
أصحى على نفس الكابوس ..
أنا شفت الخطر
لكن لما سألت عن الراجل
اللي بيدق الناقوس ..
ناس تقول ده مات
وناس تقول محبوس ..
ولما جاني ف المتام سيادة القانون
قلت له فهمني واحده واحده
كده بالمحسوس ..
وقولي يا مولانا
إمتى ف بلدنا
ها تتساوى الرووس ؟
لكن لما نزلت سوق الخضار
عرفت حقيقة العلاقه

محبي شان وطن!

بين الرئيس والمرءوس..
وفهمت ليه إحنا لسه واقفين
عند مرحله
يا ترى أحسن خافض للحراره
الحقن ..
ولاً اللبوس؟
ولما اتفرجت على مذبحه أنابيب الغاز
اتأكدت إن أهم إنجاز لوزارة البترول
وجود ثلاث فرق ف الدوري
وحلم الفوز بكاس الكئوس..
وسألت عن معنى كلمه بتوجعني من زمان..
وماخلتش ولا قاموس..
سألت الدكتور مجدي ..
وفتحني الترزي..
وحربي بيع العرقسوس..
لكن لما شفت ناس
بتفرط في أمه بحالها
قلت الله يرحمك يامه
بقى عشان درجتين ف الكيميا
تقوليلي جتك ستين خيه
يا موكوس..!!

حصّة جغرافيا..

هنا النيل..
وهناك إسرائيل..
والقاهرة العاصمة
لكن الحزن
أهم المحاصيل..
وده الخطر
ودي ناس بتستنى المطر
وده الليل الطويل..
ويين صحرا ودلتا
وشبه جزيره..
كل يوم بتضيع حاجات كتيره..
معدل النمو عالي
حسب كلام معالي الوزير..
لكن للأسف..
البلد فقيره..
وما تسألش ازاي..
أهم المشروبات الشاي
وأهم الصناعات

محشوشان وطن!

البيره..
عدد السكان..
ملايين كثير متفرقه
حزم.. حزم..
أهم المعالم
في وش البلد
يوجد كل محلات الجزم..
وأهم الأحداث
مولد أبو حصيره..
من مصادر الطاقة
الغاز الي مش طبيعي
وأهم الموارد..
قانون الضرائب
لكن أهم المعادن
الناس الطيبين..
وأهم المواني
أغاني العاشقين..
وأحلي المواسم
يوم ما الفرح يعدّي ع القلب الحزين
وأعز الحبايب
بلادي الأسيره..

كيس بلاستيك

من كتر ما الحزن رطوط..
مبقاش خلاص يتحسن..
فضلت الأحلام
تتقصّ.. تتقصّ.. تتقصّ..
لحد ما بقت ف النهايه..
رغيف..
وكيس بلاستيك..
ويس..
عارف..
باصحّي قلبي عشان يحب..
قام بقرف..
واتلفتلي وبص..
ورجع نام تاني..

.. محض شاي وطن!

محضر إثبات حاله

بتموت ف الزحه حاجات

وحاجات كتير بتتغير..

واعمل إيه

وانا شوية النفس اللي عندي

يا دوب على أد الواد الصغير؟

آخر القناديل ..

والونس..

والعكاز..

يا طعم أحلى شوية شاي

في الكوبايه الإزاز..

محطات كتير فانت..

عارف يا ابني

الشكوى أول ما تبقى محضر

ورقم ف دفاتر

تبقى ماتت..

معذور الظابط

لو مقدرش يشوفك

أو يسمع شكواك..

لا هو فاضي يتألم عشانك
ولا يقدر يضحك معاك..
معذور الظابط
والبدله الميري ساعات بتكتف..
والدنيا مش على طول بتحدف..
بني آدمين..
محدث فينا يا ابني
بيختار الوقت
إمتي ها يعشق
وها يعشق مين..
يارب
لو كان مكتوب علينا الفراق
يفضل ف قلوبنا حنين..
فاتت سنين
وكل ما اقول هانت خلاص
ألاقي لسه المشوار طويل..
وكل ما اقول عطشان يا نيل..
أعطش زياده..
تعالى ف حضن بابا
علمني من تاني معنى الحياه
وقولي سر السعاده..

المبرر الوحيد إني أصحى
هو بس عشان اشوفك..
وبعدها..
بارجع أناام..
خلص الكلام..

محش مشان وطن!

حاجات بسيطه

كلها حاجات بسيطه

وأد إيه بتفرق معايا

أد إيه..؟

زي إيه..؟

زي إحساس بالرضا..

وزي ما احبك كده..

وزي دمعته طيبه..

ارتاح بعدها

وماعرفش ليه..

وزي إيه..

زي ورده ف عيد ميلادي..

وزي يوم بسيط وعادي..

عدى لكن مانستهوش..

وكلمه حلوه سمعتها

من قلب حد انا ماعرفهوش..

زي ما فضفض معاك بكلمتين..

وف وسطهم أسرح

تقوللي روجت فين؟
وزي إحساس بالأمان
لما ليله أبات ف حزن اصغر ولادي..
وزي غنوه من بعيد
فيها من ريحه بلادي..
كلها حاجات بسيطه
وأد إيه بتفرق معايا..
أد إيه؟

عين الباب السحريه

ناس بعيد عنك لكن..
ترتاح أوي لكلامهم..
وناس لما تدق بابك
ترد: يووووووووه..
ودول إيه بقى اللي جابهم؟
وناس..
مطرح ما تمشي معاهم
تلاقي الدنيا أمان..
من كتر الدفا اللي فيهم
بساعة ما ياخدوك بالخضن
ما تعرفش إن كانوا هم أعز اصحابك
ولاً انت اللي أغلى احبابهم...

مبسوط

يسألوني ليه..
ومن إيه كده مبسوط؟
ما هيّ هيّ الشوارع..
والناس..
ونفس البيوت!
والعيد بيعجي..
وزي ما بيعجي..
بيمشي تاني ف سكوت..
معذورين أصحابي..
ولا مره شافوني عايش..
لكن كتير شافوني..
وانا بموت..

شقاوة خريف

أنا كنت ضعيف في النصوص
لكن في التاريخ فلتة..
اتجوزت مرتين..
ونفسي في الثالثة..
مش فراغه عين..
ولا دناؤه..
لكني حاسس إني مخلوق بألف قلب
وكلهم عاملين شقاؤه..
أما الدنيا دي حلوه حلاوه..
يخرب بيت كده..
تمد إيدك تساعد حد
يرد عليك بنظرة رضا..
ما تعرفش ساعتها
مين الي كان محتاج للتاني..
مش قلت لك
الي بنى البلد دي
كان ف الأصل حلواني!..

قولي لي يا حلوه
مين ذلك على قلبي؟
وإيه اللي رمانني
وخلاني ابوح
واهرب من كل الزيف؟
يا ترى دي شقاوة خريف
ولاً بداية شتا ..
ونهاية صيف؟
ولاً أنا اللي كل ما اقرب من روحي
بتبعد عني أحزاني؟

محبتي مشاي وطوع!

مزيكا ناعمه

لو تعرفي..
أد إيه كلامك رقيق..
كأنه ونس..
وأصحاب..
وزاد للطريق..
كأنه نسمة م الزمن الي راح
زي البراح...
ساعه ما الدنيا تضيق..
عارفه....
ساعات أقول دي مش حقيقه
ده حلم حلو..
وكلها كام دقيقه
وبعدين خلاص..
واستكثر على روعي الفرح
اشمعني يعني الدنيا
تختارني أنا
من دون الناس؟

كني لما باحضنك
بقول لروحي.. لأ
ده إحساس بجد
وبحق وحقيق..
إحساس جميل لدرجة تخض..
وأنا اللي طول عمري يطاوعني الكلام
ما عرفش ليه لما اسمعك
غصب عني أسكت
وما أعرفش أزد!
قولي كمان..
ما تسكتيش..
مين في الزمان ده يلاقي قلب يقوله عيش
ويروح يموت؟
عايز أسألك..
عملتي ازاي غنوة فرح
من مفيش؟
وازاي هربتني من حزن البيوت؟
قولي كمان..

إزاي..؟

يخرب عقلك..
إنتي منين...؟
حتي عيونك ليها شخصيه..
إنتي ضعيفه ازاي وقويه..
وازاي بتخليني محتاج الاتنين..
ازاي..؟
يخرب عقلك..
ده انتي حكايه..
إيه الإحساس ده اللي بيخطفني
وبيكبر جوايا..
إزاي بتخليني موافق
ضدي كنتي ولا معايا؟
طالع راضي ف الحاليتين..
ازاي..؟

زمان..

كان لما يدق الباب خبر حزين..

كانوا يخبوا العيال الصُغَيِّرين عند الجيران..

عشان قلوبهم ماتنجرحش..

أد كده كانوا بني آدمين!

مصطفى شادي وطن!

زَلَبَطُهُ

كان شعري ناعم جميل ..
وعيونني شايقه النيل ..
فضل ونعمه من ربنا ..
طاهر بريء حر ..
أنا اتخلقت ..
يا ترى بعد كده اتخلقي زَلَبَطُهُ ..
ولاً أنا بمزاجي خلقت ؟
ماشي فرحان
وخذت راحتي مع الفرح والأمل ..
وزي ما تقول كده اتحببت ..
وهي لحظه يا معلم ..
ماعرفش نمت أو غفلت ..
أو جاوز سرح ..
لاقيتني طائر ف الهوا ..
وع الأرض طاخ ..
جائز أكون اتر خلقت ..
الهبد كانت تقريباً جامده ..

لأن نفسي راح..
ودمي ساح..
كأني اندبحت..
فضلت أندب ف حظي..
وأقول لروحي..
يا عم خلاص..
إنت يعني إمتى عملت حاجه وفلحت!
دي الدنيا راحت..
وجت وراحت..
وانت يادوب بصيت..
واستغربت أوي وتنحُت..
المهم انا ساعتني راحت فين؟
وفين دبلة الجواز؟
وأقول لمراتي إيه..
اتسرفت؟
أقول لها الشارع كان ضلمه..
وفيه ماسوره ضربه..
ما إحنا مقضينها..
فحت وردم وفحت..
ولما خدت نفسي وريحت..

❦ محبتي شادي ووطن!

قلت انفض هدمي..
وارجع محترم تاني..
لا لقيت القميص..
ولا البنطلون..
ولا لا مؤاخذه الحاجات اللي تحت..

مفیش کوکو

آخر کلام یا عم..
طعام..
یعنی مَم..
یعنی علی سبیل المثال..
سندویشات..
وَأَرْجُوْکُو..
ماحدث یحیی سیره الکوکو..
قدام العیال..
وکو کو للی مش عارف..
یعنی دجاج..
یعنی شوربه..
یعنی زَفَر..
معقول ده محتاج..
عقد عمل..
وغربه..
وسفر!
عارف..

❁ مصفى شام وطن!

لسه شوارعنا بتخاف من المطر..

ومطر للي مش عارف..

يعني خير..

إزاي ف بلدنا الخير..

أصبح خطر؟!

الواد ابني

الواد ابني
أبو لسان طويل ..
قاللي يعني يا بابا
سافرت واتغربت
مشوار طويل ..
وف الآخر راجع ..
في شارع ..
متفرع من شارع ..
وشقه
في الدور الرابع ..
ودولار
نازل طالع ..
شوية هدم وحاجات ..
دكان مستني التراخيص
ومكنسه على خلاط ..
وكمبيوتر مش نافع ..!
م الآخر ..

٢٠ محبتي شان وطن!

ماعرفتش تتصرف

مقدرتش تقول لأ

مش مسافر..

بابا...

من إيه الكحه دي يا بابا؟

ياترى دي برد..

ولاً عمر..

ولاً سجاير؟

عارف يا بابا

أنا بقالي أد إيه بستناك؟

إيه يا بابا

إنت بتعيّط؟

ده انا كنت بهزر معاك..

كنت بهزر معاك...

مصاريّف المدرسه

البت بتتي..
كل يوم تكبر سنين..
حلوين عينيها..
بس ليه..
مش فرحانين؟
في السن ده..
ويتقول كلام..
ساعة ما تصحى..
باكون هَنَام..
حاولت أقرب منها..
لاقتني مش عارف..
أنا ابقى مين..
وفتحت قلبي يقولها..
ملقيتش غير..
مصاريّف المدرسه..
وفلوس المدرسين..

محبتي شاتي وطوي!

موسم امتحانات..

هي دي بنتي الوحيده
اللي حبيتني في البنات..
هي دي..
اللي هناك بتضحك..
هي دي..
اللي هناك بتلعب
ولما روعي مني تتعب...
تملا قلبي بالحاجات..
هي دي
اللي هناك بتحلم..
وفي عيونها غنوه حلوه
بس من خارج المقرر
هي دي..
قبل ما الجهل اللي في المنهج يقرر
يقتل الروح البريئه
بالكتب والكراسات..
علموها في المدرسه ترطن لغات..

تحفظ النص الغبي
وتشرح معاني المفردات..
ترتعش إيديها فوق ورق الإجابة
لما تعرف إن ممكن حلمها يضيع منها..
على ربع درجه
هي دي ..
اللي بتغيب وتبدل..
كل ما يهل علينا
موسم امتحانات ..
هي دي ..
اللي بتقرا في كتاب التاريخ
عن معجزات ..
وتبص ع الدنيا
تلخبطها الحقيقه ..
لما تلاقينا مطرودين م التاريخ
خارجين من كل البوابات..

فاكر كلامك بالحرف..
البوح ده نص العلاج..
واوقات كتير بنحتاج ..
نحس بالضعف..

.. محبش مشاي وطن!

بطاطا بطاطا

الوقت متأخر
وما عدش ينفع..
طول عمرك بتيجي على نفسك
وتسافر.. وترجع...
إشمعني دلوقتي
عايز تروح ما تجيش؟
وكل ما أقولك مالك..
تقول.. مفيش
هو انت لسه بتفكر؟
ودلوقتي..
بعد ما بقيت بتنهج من سلمتين..
رايح تدور على وطن تاني فين؟
فاكر الزمن واقف ما بيتحركش
بص ف تاريخ ميلادك
واحسب سنك..
استنيت ليه لما كبرت
والحزن بقى أكبر منك!

كان ف إيدك الورق
ومستوفي كل الشروط ..
فضلت تحسبها بقلبك
وقطعت الورق
وحلفت والله ما هموت
غير ف حضن الحبايب ..
طول عمرك في الحساب خايب ..
الوقت متأخر ..
وما عدش ينفع ندم ..
جواز سفر محترم
كان كفيل ..
يحمي طفلك الجميل ..
من كل تجار الفساد ..
يا أخي كنت اعمالها
عشان خاطر الولاد ..
جواز سفر محترم يا عم
كان أهم من كل اللي كتبه
واللي لسه ها تكتبه ..
قلتلك دول وحوش ما بيرحموش
ولا هاييطلوا يكذبوا

الوقت متأخر ..
والله يكون ف عون الي يقع ف البلد دي
ويقول أنا محتاج ..
معلش يا ابني ..
لا عندي صبر ولا ف إيدي العلاج ..
سامح أبوك لو كان تعب أو مل ..
سامحني يا اجمل الجراح
يا بدر زاح عتمة الروح يوم ما طل ..
عارف
بكره لما نقف قدام المولى عز وجل ..
لما عقدة لسانك تتحل ..
اتكلم وخذ حقتك
من كل الي ظلموك ..
وأولهم أبوك ..
واسألنا كلنا ..
اسألنا قدام ربنا
عن العدل .. والرحمة .. والإنسانيه
بس انا عارف
إن قلبك الطاهر الي علمني
معنى الحنيئه ..

بيعرف يسامح
لما تجري تبوسني ف راسي
وتقوللي ..
بطاطا بطاطا..
بحبك يا بابا
وأنا كمان يا حبيبي..
بطاطا بطاطا..
أد الدنيا دي كلها

مصطفى شاذي وطن!

جرس الباب..

الله يكون ف عون
اللي ملهوش أصحاب..
يفرح لما يسمع جرس الباب..
يجري..
يفتح يلاقي المكوجي..
يفتح يلاقي وصل النور
يفتح يلاقي شوية برد..
ويفتح وما يلاقيش حد..
يرجع يدور ف الدفاتر القديمة
وألبوم الصور
ويقرأ للمرء الألف
نفس الجواب..
الله يكون ف عون
اللي مفيش معاه
غير شوية عناوين..
وأرقام تليفونات
مايعرفش أصحابها مين..

وغنوه قديمه
وورده دبلت ف قلب الكتاب..
ياه..

معقول ييجي يوم يا قلبي
ونتسول شوية ونس؟!
معقول ليالي البوح يصيبها الخرس؟!
يا ترى شكلهم إيه يا قلبي
اليومين الجايين؟
ويا ترى هاتميل على مين
لما تحب ترتاح؟
إياك تبطل تحب
واوعى ف يوم تنتظر اللي راح
ومش راجع..

قلب الياسمين

قراطين أرض..
ونخلتين قرييين من بعض..
وبيت من طين.. بعيد
بعيد في الخلا..
يبعد عن القرف
مسافة ميت سنه بالطياره..
ومفیش الصبح..
قهوه..
ولا سيجاره..
ولا تليفون..
ولا ساعه..
ولا نشره أخبار..
ولا جرائين..
ومفیش سقف
بيني وبين السما..
أتلف ف روحي وأنا
ده إن نمت..

وحوض ياسمين
يفكرني إن في يوم م الأيام
عشقت..
وسمعت أحلى غنا..
بيت بسيط..
مش مخنوق زي علب الكبريت..
وكلب وافي..
بديل عن كل اللي راحوا م الأصحاب
يحميني لو قرب م الباب عفاريت..
ووصيه أكتبها واسيبيها في عش العصافير
أمانه يا طير..
إن مت دلوقتي..
أو بعد حين..
تدفني في قلب الياسمين..

كرسي بلاستيك ع النيل..

الصيف والدنيا نار
والحر ضيف ثقيل..
ومصيف الغلابه
كرسي بلاستيك
ع الرصيف اللي بيطل على النيل..
إزازه ميه..
وسندوتشات بيتي..
وشاي..
وأمل ف نسمة
وضحكه م القلب تكفي
مانعرفش ازاي..
يمكن ينام الحزن
ولو مؤقتاً..
شكراً يا وطن..
سايب ع الرصيف مساحه
لسه متباعثش..
خلي عينيك ع العيال

العربيات بتجري بسرعه
والطريق مفتوح..
ساعات بحس إنك زي النيل
مجروح.. لكن ساكت.. ماييتكلمش
اسرح زي ما انت عايز
بس عشان خاطر العيال
ما تبعدهش..
متنساش تأكدع الواد
رغبه أولى طب..
يا ستي
خليه يروح مطرح ما يحب..
لسه زي ما انت
تنجرح وعلى أد ما تتألم
ما بتتعلمش..
جنتني..
إنتي كمان اتغيرتي عن زمان..
فاكره لما كنتي تلاقي
ف جيب القميص فلوس
تجري عليّ
وقبل ما تقوليلي ضايع منك إيه

محش شاه وطن!

كل شيء في عينيك يبان؟
بقالك كثير مابتفتشيش جوايا..
ياه..!

دي العيال نامت
لمي بقى الحاجات معايا

هذا الرقم موجود بالخدمة...

لما مساحة القلب تقل..
وتبقى الشجرة جنب الشجرة
ومفیش ولا شجرة بتطرح ضل..
لما الأرقام اللي بتضيفها على تليفونك
تبقى أقل كتير م اللي بتمسحها..
حافظ ع الأيام اللي ف قلبك
وإياك تجرحها..
اطلبها..
ولو ماتردش اطلبها..
ولو ماتردش..
سيب الخط ما بينكم مفتوح..
الأيام الحلوه..
عمرها ما بتخرج بره الخدمة
ونس جوانا فين ما نروح..
اطلبها..
ولو ماتردش اطلبها..
اطلبها..

محشّى نشان وطن!

لما تحسّ بقسوه ليل الشتا والبرد..
اطلبها..

واوعى تصدق
إن مفيش حدّ بيرُدّ عليك..



خائف اقلق بالليل كده زي ما بقلق..
أو على وش الصبح
أو بعد العصر..
وافتح الشباك
وابص..
ومالاقيش مصر..

❁ محبش شان وطن!

سياره مضخه..

اليوم خلاص قَرَب يفوت..
وماعدش غيري ع المحطه
والسكوت..

وفرد أمن..
بالصدفه كان ف اليوم ده خدمه..
محتاج لقلبك يا ترى
ولأنا ..

محتاج لهدمه؟
اليوم خلاص..
ده خوف ده ولأحسن ناس
بيطَل من قلب البيوت؟
لو لسه بنحب الحياه
إزاي نموت؟

اليوم خلاص..
لكن عيوني ع الأمل
يمكن هنا..
جايز.. هناك

تايه أنا
يا ربى مين
اللي مغمى عيون الشباك؟
بعيده المسافه
بين حد أدنى للأجور
ورغيف وعتمه ووصل نور
واربع حيطان
لاجل ما نكتب ف استهارة المدرسه
عنوان سكن..
بعيده المسافه بين قلوبنا والوطن..
بعيده المسافه بين مفيش
ولما تسأل ما تلاقش
غير القلوب الضيقه
نفس المسافه.. بين عشوائيه
وحياه طريقه ناعمه آخر فخفخه..
خايف تكون كل الشوارع
سيارات مفخخه..
قاصده الوطن
كاتدرائيه ومشيقه..
يا ربى مين..

٭ محبش شان وطن! ٭

وسط انشغالنا بمين هايحكم

ومين هايرحل

ومين شال ومين يمينا

يا ربي مين..

وسط انشغالنا بالزباله

بيحرق الورد الجميل

ويسرق النيل الامين..

يا ربي مين؟

تشابه أسماء

ده طفل لسه مولود
ما يعرفش حاجه
ويصرخ ويقول واء..
ودي لقمة العيش
اللي بقت بتيجي بالحناق..
وده الشارع
وده الميزان
وده استقلال القضاء..
ودي المسافه
بين مصر الجديده وجزيرة الوراق..
وده جوازع الورق
بدون قبول واتفاق..
ودي الجماعه وده الحزب..
ودي ثروة بلدنا
وده الكذب..
وده الرياء..
وده الدستور

محلى شان وطن!

وده شكل بكره

بدون زواق..

وده عشم الطيين

وده خيال الشعراء..

ودي قريه منسيه

تفصلها عن الحياه

وصلة ميه

وماسورة صرف صحي

ولبه شمعتين..

أما دول..

دمعتين..

في ساعة صدق

أو لحظة فراق..

ياترى دي مصر بجد

ولاً ده تشابه أسماء؟

إنتهت النشرة..

في خبر عاجل م العباسيه..
تمكنت عصفوره مسلمه
من اختراق المجال الجوي المسيحي
والهبوط على سطح الكاتدرائيه..
هذا وقد تم احتواء الموقف
بعد اعتذار السفير..
في حين تمكنت فراشه مسيحيه
من التسلل لحديقة الأزهر
دون الحصول على إذن من مكتب الأمير..
وقد قرر حاكم دوران شبرا
فصل قصب السكر المسيحي عن البرتقان المسلم
في جميع محلات العصير..
هذا وقد أدى اعتصام الذهب المسيحي
إلى ارتباك شديد في الأسواق..
في حين أحبطت مباحث عين شمس
محاولة تسلل الفضه المسلمه عبر الأنفاق..
وليكتم هذا التقرير..

مصحف شان وطن!

وف رد فعل عنيف..
تقرر وقف إمدادات الغاز المسلم
لأي بوتاجاز مسيحي
لحين مراجعة عقود التصدير..
في حين اعتبر تجار العسل المسيحي
مظاهره النحل المسلم ضد حكومته شأن داخلي
ولا يحتاج إلى تفسير..
وقد تمكنت قوات حرس حدود مصر القديمة
من إحباط محاولة هجره غير شرعيه
لسمك بلطي مسيحي من الحجم الكبير..
وفي شأن آخر..
وجهت نيابة ميدان الجيزه..
تهمة الخيانه..
لكروان غير معلوم الديانه..
دخل الميدان بدون فيزا..
وكان يغني..
الملك لك وحدك يا صاحب الملك..
انتهت النشره..
اتقوا الله في مصر..

جميله

عرفتي أدإيه إنتي جميله؟
جيت عشان أمسح دمعتك..
شيلتي عني كل أيامي الحزينه..
عرفتي ليه..
لما يحبوا يكسروني..
بياخدوا قلبك رهينه..
وتبقى المساومه..
يا نرمي كل أدوات المقاومه..
يا إما يغرقوا السفينه؟

يا اعم يا بتاع البطاطين

بردانين..

ميتين م الخوف

والبرد بينا بيتسلى..

والشكوى لغير الله مذكله..

يا ترى لسه فيه بطانيه من غزل المحله..

تقدر تغطي جراحنا العريانيين؟

مش شرط صوف

مش مهم الألوان..

ماعدش الشتا يومين ويعدوا..

مبقاش طيب زي زمان..

لا دفاية ستي..

ولا اللمه..

ولا الغنا..

ولا الخواديت..

ولا الدفا اللي كان واصل لحد قفص الكتاكيت..

مفيش ف الشتا غير عفاريت

بتسرق السترم البيوت

وتكسر علينا البيان..
يا عم..
هو انت مش زينا بردان..
ولاً انت كمان
من أصحاب الجلد السميك؟
عارف..
كل بطاطين العالم مش هتدفيك..
طول ما الوطن بردان..

❁ محدش شاف وطن!

ماحدش شاف وطن؟

وطن..

في عز ماهو بردان..

كان ييفرق ع الدنيا دفا..

محدش شاف وطن؟

كان هنا..

وهنا..

وماعرفش ليه فجأه اختفى..

وطن..

ضربوه بالنار وبالعيشه الضيقه..

هددوه بالحبس..

وبجبل المشتقه.

قربوه م الموت..

اتعلق بالحياه أكثر..

سقوه المر..

دوّر على حبة سكر

وقعت من طرف المعلقه..

محدش شاف وطن؟

صورتك اكبر بكتير م البرواز الصغير..
شوفي كام مرّه لون الأوضه إتغيّر..
وراحتك لسه فيها..

محشّى مكان وطن!

منكم لله..

ورّطونا في قصه حب
وصحّيتوا فينا الإحساس..
منكم لله..
ما احنا كنا نسينا خلاص..
ورتبنا أمورنا
على نفس الدنيا..
ونفس الناس..
رتبنا أمورنا..
ع الباب اللي بيزيّق..
والشارع الضيّق..
وموتور الميه والعوامه اللي بتعلّق
وتغرق سطح البيت
لحد ما يحن علينا السباك..
رتبنا أمورنا على هوا المروحه
من يوم ما قفلوا البلكونه
وباعوا الشباك..
رتبنا أمورنا على سلام البيت المكسوره

فلازم نطلع وننزل بالراحه..
رتبنا أمورنا على إن الحق ييزعل
فبلاش نتكلم بصراحه..
منكم لله..
رجعتونا من تاني نغني
ونحس..
بعد ما راح الحس..
وصدقنا إن اللي بيروح مش جاي..
ورتبنا أمورنا على إن الوجد ممكن يسكت
بقرص اسبرين
وكوباية شاي...
منكم لله..
ورطونا في حالة عشق
واحنا إالي بقالنا سنين
بنستخدم قلوبنا ف كل حاجه
ما عدا الحب..
منكم لله..
فكرتونا بمصر
بعد ما كنا نسينا إننا مصريين
ووجعتوا قلوبنا عليكم..

محش شای وطن!

وانتم رایحین..
أنا مش عارف..
اتعلمتوا کل ده..
فین.. وازای؟

96 ساعه أجازة..

وانت بتبعد..
ماعرفتش إن كانوا خدوك مني
ولأ ردّوك من تاني..
طفل صغير..
ما بيعرفش ينام الليل إلا ف أحضاني..
معقوله كبرت.. كبرت
ووصلت لسن التجنيد؟!
ده انا لسه امبارح باحسب عمرك
وبقول ع اليوم ده لسه بعيد..
أتاريه كان يقرب..
قُلتلي يامه..
ده انا رايح الجيش
مش رايح اتغزّب..
شهر ونص.. يعدّوا قوام
من يومها عرفت الصبر
واتعلمت أعد على إيدي الأيام..
إسمرّيت اكتر ما انت اسمرّ..

واحلويت أكثر..
 كلك ابوك.. الله يرحمه
 وطولة العمر ليك..
 واللي رزقنا بعد ما مات
 قادر يا بني يحميك..
 لايق فيك الأفول لما اتأيف..
 بقيت أشي معك لما تشي
 وأفتح قلبي للنسمه الحلوه
 لما تصيف..
 البطه اللي في الشنطه تاكلها مع زمايلك
 ودي لقمه عشان ف القطر لما تجوع..
 ما عرفش إزاي بتقدر تضحك من قلبك
 وعينيك مليانه دموع!
 ضحكت علي لما بقولك..
 فهمني يعني إيه 96 ساعه أجازة؟
 العيش ده .. مخبوز طازه..
 قتلتي يامه..
 عيش إيه وبطة إيه..
 لو تعرفي تعبني شويه من حنية قلبك ف إزازه..
 كان على عيني..

أنا لو أقدر ما اتأخرش..
ورحت..
واتاريك زي الفرحة
إلي بتيجي في العمر مره ومابتكررش..
ورجعت.. عريس
وزمايلك بيزفوك بالعلم
وعلى أد ما كان الألم
على أد ما كانت الفرحة..
لسه كراسة أشعارك في مكانها
كل ما باشتقلك أفتحها...
وامشي معاك من أول صفحه لآخر صفحه..
دلوقتي بس عرفت يا إبنني
ليه لما كتبنا على الدبابه
الشعب يريد إسقاط النظام..
ماحدث قدر يمسخها...

نور الطرقة

أنا كنت بنام على نور الطرقة
اللي قصاد أوضتي..
ومن يوم ما قالتلي بحبك
بقيت اطفيه..
وأنام..
وانا مش خايف م العتمه..
ولا شايل هم الوقت ازاي هيفوت..
الأمان يا حبييتي..
مش عساكر في الشوارع
أو غفر تحت البيوت..

مين قال انك فقيره؟

بتفهم في الفلاحه..
وفي الطب..
وفي القانون..
والعدل كلمه بصراحه
والعشق لحظة جنون..
مين قال إنك فقيره
مين قال إنك محتاجه..
وانتي الدنيا الجميله
اللي اديتني كل حاجه..
آدي قلبي فتشيه
ماخدتش الغريه حاجه..
وكفايه انك عايشه فيه
ودي أهم حاجه..
عرفتي ليه بحبك..
وعرفتي ليه بتوحشيني
لما السفر يطول؟
طب والله العظيم ما قايل
غير لما تقولي لي قول...

موظف عام

مبتلعش الكلمه كده بسهولة
غير وانتني معايا..
وبقيّة الأيام..
أنا في الدنيا موظف عام..
من أول يوم في الشهر مفلّس
ومفيش جوايا..
غير زحمه ودوشه وأي كلام..
أشرب قهوتي ع النوته
واسمع نفس الحدوته ميت مره
واضحك من بره..
وأنام..
ويوم ما صحيت فايق..
داري بروحي..
فاتح قلبي..
رافع راسي..
رافض كل أغاني الحزن..
جتني أوامر لازم اطاطي

لعربية أناييب الغاز..
وارجع ادوّر من تاني على بيت ينفع حضن
ألاقي كل ييوتنا إزاز..

معقول الرصاصه اللي ضربتني بيها
تبقى احنّ عليّ منك..
أمانه عليك..
لو شُفتني بنزف..
سلمني لأقرب قلب
لسه بيعشق مصر
سلمني وامشي.. ومتخافشي
لو سألوني فـ محضر رسمي
هقول..
الي ضربتني بالنار مجهول..
علشان عمره ما كان مصري..

علبة الألوان

مفيش في علبة الألوان
ولا لون واضح..
لا الأسود دايمًا حزين
ولا الأبيض بقى يعرف يسامح..
بتقابل الألوان مع بعضها
لكنها بتفترق
أول ما بتنتهي المصالح..
وينفس الملامح
تفضل الألوان موجوده..
بتعيد نفس الحكاياه
على نفس المساحه المحدوده..
لا ده لون الأمان
ولا ده لمسة حنان
ولا ده الدفا
الي قادر يزيع البروده.
يااااه..
مفيش لون فضل

زي ما عرفناه.
من يوم ما البحر اختفى
واللون الأزرق تاه..
لا الأصفر هو الخريف
ولا الأخضر
يعني الحياه..
ورغم إن كل الألوان مؤمنه
لكنها مصممه
ترسم الحاكم
على انه إله..
أستغفر الله
أستغفر الله
أستغفر الله..

صندوق الحزن

ناس ترمي الحب للحمام
وناس تدبحه..
وناس تروح مع الأيام
نسائها وتنسانا..
وناس تكمل معانا..
زي النسيم..
يطبطب علينا.. في عز ما احنا بنجرحه..
أنا ف قلبي شاعر
إن يوم سمعت منه كلام..
أرجوك
ما تطلبش مني أشرحه..
بييجي يقول الكلمتين ويروح لحاله
والشاعر
لا تاخذ منه نصيحه
ولا تنصحه..
أنا رميت صندوق الحزن في البحر البعيد
وافتكرت اني بكده بقيت سعيد



رجعت لآقته لسه ف مطر حه..
حذفته من فوق الجبل..
طلعلي تاني..
ولعت فيه.. بص لي وضحك
وقال..
قبل ما تبطلوا حزن..
اتعلموا ازاي تفرحوا..

النيل بيتحرق..

كأننا في القطب الشمالي..
والدنيا مغرب على طول..
يرد حالك على حالي..
أقول أنا..
ولاً انت تقول؟
عارف..
إحنا أكثر شعب ف الدنيا اتطعم
ومع ذلك.. كلنا مرضى..
معقول الأمل الي اتولد امبارح
مات النهارده؟!
استمتع بالفوضى..
كسر إزاز المدرسه المتكسر..
ضلّم شارع..
طول عمره كان بيعلم ينور..
واقطع طريق..
وقولي..
لو النيل اتحرق..
مين راح يطفى الحريق..؟



لما تغيبني

أنا بتلخبط بين السكر والملح
وأدور ف الدواليب على حبة فرح..
ومَلَقِيش..
لما تغيبني..

أنا والبيت بتتوه من بعض
وبابص فِ وشه مايعرفنيش..
وبخاف م القطه لما تنونو
ومن صوت الريح
الي بيهرب من بين الشيش..
لما تغيبني

كل الحاجات الحلوه يا حبيبتي
بترفض تعيش..
بيني وبينك..
لما تغيبني..
أنا بَحْتاس..

بنسى العناوين
وأسامي الناس..

باكل..
واشرب..
واضحك..
واكتب..
لكن كده.. من غير إحساس
وانسى القهوه تفورع النار
ويروح الطعم..
ويضيع الوش..
لما تغيب..
كل المرايات يا حبيتي بتكذب
وتغش..
لما تغيب
أنا عن روعي بغيب..
ويحس ان النفس اللي ف صدري
غريب..
أصل الدنيا يا حبيتي
مش على طول بتروح وتجيّب.
قلوب طيبه .. زيك كده
أرجوكي..
خليكي قريبه
حتى لما تغيب..

مَتَقْلَقِيش... ..

الحاجات الحلوه يا حبيتي
غصب عننا بتعيش ..
متقلقيش ..
تضرب .. تقلب
أصلنا الطيب ف الآخر بيغلب ..
وتبقي انتي ..
حكاية العشق ...
الي ما بتنتهيش ..
متقلقيش ..
هو انتي يا حبيتي مجرد سكن ..
ولاً جواز سفر
ولاً حتة أرض فاضيه مرميه جنب شط
وسموها وطن ؟
والله لو ضهرك الغالي انكسر
الدنيا كلها راح تدفع التمن ..
وبرضه مايكفّيش ..
متقلقيش ..

وان شفتي جاهل..
عامل مناضل..
ما تخفّيش..
عمرک زرقي بلد
لا فيها رشوه ولا بقشيش؟
عمرک دخلتي مقبره
ما شفتي فيها شاهد؟
إحنا أول أمه قالت للدنيا
إن ربنا واحد..
وحماية القلوب
لا محتاجه عسكري
ولا شاویش..

مش كل عين شايفه..
يبقى فيها ضي..
ولا كل قلب عايش
يبقى لسه حي..

محش شاف وطن!

هتلف تاني

ورمضان هيحي ف الشتا
وتشتاق تحس بالعطش..
هتلف تاني
وتعجبك الجزمه الجلد الضيقه
وتشترىها
وتعورك..
وهنصبرك بكلمتين..
بكره هاتوسع نمرتین..
بس لما تمشي فيها
مشوار طويل..
وتلف تاني
وتصحى م الحلم الجميل
هتلف تاني
والعيد يوافق يوم ثلاث..
ولئن عمرك ما اتعلمت أبداً
م اللي فات
هتعدّي ع الحفره القديمه اللي ف طريق المدرسه

وتنسى وتقع
هتلف تاني
وتجرحك نفس الحاجات
وتشتكي من نفس الوجة..

البيت القديم

أنا خدت قلبي ورحت بعيد..
فاكر إني بكده أبقى ريئحته..
دبل مني..
رجعت أططب عليه
من جهلي جرحته..
سألته مالك؟
قال لي..
هربت منه..
مقدرتش استحمل صراحته..
عارف..
فكرني الميدان بيتنا القديم
وأمي موجوده كان بيان
أكبر كتير من مساحته..
ولما راحت
فضل البيت يضيق..
يضيق..
لحد ما أصبح مفيش..

كل الطرق فيها نقط للخروج م السباق..
فيها استراحه للُّقا..
ومحطه لازم عندها يحصل فراق..

محش مشاق وطن!

نزل إزارك..

طريق دائري بيلف حوالين نفسه

ويلفنا بالملل..

لوحات إرشاديه ممسوحه

وعجل بيجري ورا عجل..

نزل إزارك..

عايز أسألك ..

هي نزلة الأمل..

فاتت..

ولا هيّ اللي جايه؟

يفتح النور العالي ف عينيا

عشان يخطف اللي باقي فيها من ضي..

طريق دائري..

الي رايح فيه

شبه اللي جاي..

شوية أمل

جرّبوا القسوه..
والبلطجه..
والمجرمين..
وكل ما يحرقوا الأرض
بيطلع الياسمين..
جربوا السيف
والنار والطبنجه..
ولسه في الناي نفس
ولسه بتغني الكمنجه..

لازم تسمعني

بکلمک من مصر..
مصر يا سيدي مصر..
مصر يا عم مصر..
مصر بالصاد..
مصر کل يوم مزاد..
مصر بنات وولاد..
بتسرق أحلامهم..
مصر أصحاب المعاشات..
والبيدله ف آخر أيامهم..
ومصر ناس.. کل الي معاهم..
وف قلوبهم ووراهم وقدامهم
مصر..
مصر بالميم..
آه والله العظيم..
بکلمک من مصر..
مصر بالآه..
مصر کل يوم..



يا حدّ راح
يا حدّ تاه..
بكلمك من مصر
إستطعم الإسم كده..
وانت بتنطقه..
أو بتكتبه..
أو حتى لسه بتهجاه..
مصر..
مصر الي لو يوم تغني من قلبها..
غصب عنك..
لازم تقول الله..

عادي تلاقيني فرحان بغني
كأني عمري ماعرفت حزن..
وعادي تلاقيني سكت خالص
علمني حبك شيء مهم
ماخذنهوش في المدارس
في عز احتياجك للدفا
مابتترميش في أي حزن..

رُحتي فين؟

بتسمعي مزيكا.. ولا بترسمي؟
ولا ابتديتي تحلمي..
وقررتي فجأه.. تتمردي ع الرتابه؟
لو كنتي راجعه تكتبي بإحساسك المليون دفا..
أرجوكي..
إوعي تبطلي كتابه..
ولا انتي قعده بتلعي ف قصاقيص ورق
وشارده بعيد..
وبتسرقك نفس الحاجات..
وتقومي تجري تلحقي الرزالي شاط..
وما تلحقيش؟
ولا انتي سرحانه ف مفيش..
ولا انتي واقفه قدام مسأله محيره بتتنا
ليلة امتحان آخر السنه؟
ولا انتي مشغوله بيّا أنا..
وافتكرتي تقصري
رجل بنطلوني الطويل؟

ولاً انتي لسه بتحسييها
وعيونك الحلوه بتختفي ورا كوم غسيل؟
ولاً انتي ساييه الدنيا تضرب وتقلب
ومسلمه عقلك..
لرغي الربابه؟

محدث شای وطن!

أتحداك..

إنت مصدّق إني وحیده..

وان القلب ده بطل يعشق

وان الغنا طالع من راديو ..

مجرد سلك ولبه وسماعتين وحیده؟

فاكر لما حدفتلك المنديل تمسح عرقك

وانا واقفه ف آخر الصف بعيده؟

يومها الناس عرفت إني بحبك

من غير ما انطق كلمه ..

أتحداك..

تعرف توصف ربع الإحساس ده ف قصیده؟

جاهل..

كل ما اعرفك أكثر..
اكتشف أد إيه أنا كنت جاهل
لا بيحس.. ولا بيشوف.. ولا بيقدر
واخاف أعلن عن جهلي.. واستكبر
واقول لقلبي انساها
يقول ياريتني كنت اقدر..
أعاند.. استقوي على قلبي
تغربي قوتي.. أتغرّ
وبس تألمني سستي
أحس إني من غيرك ضعيف
زي حنة إزاز..
ترميها ع الأرض.. تتكسّر
أعاند..
استبدل حنانك بأزاي الميه البلاستيك
أشرب.. اعطش
أشرب.. اتعكّر..
أعذري جهلي يا حبيبي

🌟 محبت شادي وطن!

وقولي..

فيكي ايه حلو أوي كده..

رغم العتمه دي كلها

قادر ينور؟!!

آخر حصتين

واحشني ازوغم المدرسه
آخر حصتين..
في جيبي آخر نفس ف المصروف
وف قلبي كلمتين..
سرت من حصه الرياضه دقيقتين
وكتبتهم ف ظهر كراسه التمارين..
واحشني يوم من دي السنين..
واحشني احلق بقلبي
على كرسي فاضي ف الأتوبيس
وأقولك اتفضلي
ولما يعدي الكمساري يخط ويقولك ورق
أقوله خلاص...
واحشني امشي ف وسط الزحمة
واقابل ناس...
واحشني انام ف بيجامه تفصيل..
جاكته واسعه..
وكم طويل..

محبتي شاتي وطن!

بزيق ع الأساور والياقه وتلات جيوب
واحشني أحلق ع الزيرو
واكتشف وانا صغير أوي
إن راسي مليانه عيوب..
واحشني ادوب من نظرة عين..
واحشني اغيب.. على أد ما اغيب
وارجع أبص ف عينيكي ألاقها مليانه بحكايات..
وتبقي معايا على نفس الرحله
ونتقابل صدفه ف طابور الجوازات..
وانسى جواز سفري مع الطابط
وشنطتي على سير بيلف..
واحشني وطن
وانا عندي كل الأمراض
ساعات ما يخذني ف حضنه أخف...

معلقة عسل

مش انتي الي قلتي
مفيش حاجه تستاهل الزعل ..
وعلى أد ما بتمرّر
من وقت للتاني بتحن..
وتحلي بقنا بمعلقة عسل؟
مش انتي الي قلتي
هّمّا الي زيننا...
يصحوا م النوم يجروا والدنيا تجري وراهم
عندهم وقت يحزنوا
ولّا حتى يحسوا بالملل؟
عارفه..
فيه ناس نزلت الميدان اتصورت
وناس دفعت عمرها ...
وناس اتعوّرت
وناس رجعت على كرسي بعجل..
والغريبه
هم دول الي لسه عندهم أمل!

مساحة قلبي..

أنا بخير..
وزي الفل والريحان..
وقلبي الي كبر فجأه قبل الأوان
لا بيعجز..
ولا يشيخ..
ولسه طفل زي زمان..
ورغم إنه ف قلب الخطر
لكن حاسس..
بإن الدنيا لسه أمان..
وإيه كمان..
ولو قربت مني يا حزن
ولو فكرت تتذيني..
منين ما بروح بلاقي حزن
قادر لسه يحميني..
وأقلق ليه..
وانا أمني الي كانت لما تدعيلي
تقولي روح..



ربنا ما يحوجك للعبد..
 تعيش حر.. كما العصفور
 ولا يدخل في قلبك برد؟
 وأقلق ليه؟
 ولو تقفلها ميه ونور
 تبيع.. تخطف.. تشتري الدستور
 ولو تكسر قلم واتنين
 ولو تسرق رغيف العيش
 ما عمرك يوم هتعرف فين
 أنا شايل أغاني العشق
 ولو تفهم ف دمع العين
 كنت عرفت إن الألم
 ما يكسر نيش..
 ده بيقربني من روعي
 تروح انت..
 وروحي تعيش..
 وأقلق ليه؟
 مفيش ف القلب غير غنوه
 كلام بيرم وصوت درويش
 وعمرى ما اتوه ف وسط قلوب

محشّش شان وطن!

عارفها وهيَّ عرفاني..
ومهما تضيق..
مساحة قلبي أد الكون
ما دام النسمه وصلاني..
وأقلق ليه..
وانا الخطوه الي وخذاني
تقربني..
ما تبعدينش؟

نفسی ف عید شبه قلبک..

بدون أراجوز..
بدون مراجیح..
بدون شیکولاته لما تسیح
تشوه قلبک الطیب..
ونفسی ف عید شبه قلبک
بدون بلالین
بدون عناوین تودینی لحد مفیش
واعیش ف الهوا عمري
لا انا بعید..
ولا قریب..

الفهرس

5	إهداء.....
9	- مقيش حاجه شيلتها ف قلبك وضاعت
10	- كشك الحراسه
12	- بحب البرد
14	- الله يرحك يا سَبَّت
16	- زراير القميص
17	- بحبك يا قلبي
19	- كل الحكاياه مسافره
20	- ميدان الجيزه
23	- تقاسيم ع العود
25	- زحمة الورق
27	- بضمان محل الإقامة
30	- كيس البرتقان
31	- فضلنا نبص لبعض
32	- لب وسوداني
34	- كلام سخييف
36	- كارت جديد
38	- عايزه انا
40	- رياضه
41	- كنت كل ما اشتري لعبه .. أحببها
42	- مصر اللي ما خدتهاش في المدرسه
45	- ماتاخدش في بالك
47	- أبويا العزيز
49	- قبل القطر ما يقول توت



محدث شای وطن!

- 50 - عایز اکرهک
- 51 - تقیله الأيام ع القلب
- 52 - بطاقه تموین
- 55 - طراطیش کلام
- 57 - حصه جغرافیا
- 59 - کیس بلاستیک
- 60 - محضر إثبات حاله
- 63 - المبرر الوحید إني أصحی
- 64 - حاجات بسیطه
- 66 - عين الباب السحریه
- 67 - مبسوط
- 68 - شقاوة خریف
- 70 - مزیکا ناعمه
- 72 - إزاي؟
- 73 - زمان.. كان لما يدق الباب خبر حزين
- 74 - زلبطه
- 77 - مفیش کوکو
- 79 - الواد ابني
- 81 - مصاریف المدرسه
- 82 - موسم امتحانات
- 85 - فاكر كلامك بالحررف
- 86 - بطاطا بطاطا
- 90 - جرس الباب
- 92 - قلب الیاسمین
- 94 - كرسي بلاستیک ع النيل
- 97 - هذا الرقم موجود بالخدمه
- 99 - خایف اقلق باللیل كده زي ما بقلق
- 100 - سیاره مفخخه
- 103 - تشابه أسماء
- 105 - إنتهت النشره

- 107 - جيله
- 108 - ياعم يا بتاع البطاطين
- 110 - ما حدش شاف وطن؟
- 111 - صورتك أكبر بكثير م البرواز الصغير
- 112 - منكم الله
- 115 - 96 ساعه أجازة
- 118 - نور الطرقة
- 119 - مين قال انك فقيره؟
- 120 - موظف عام
- 123 - معقول الرصاصه اللي ضربتني بيها تبقى احنّ عليّ منك؟
- 124 - علبة الألوان
- 126 - صندوق الحزن
- 128 - النيل بيتحرق
- 129 - لما تغيبني
- 131 - متقلقيش
- 133 - مش كل عين شايفه يبقى فيها ضي
- 134 - هتلف تاني
- 136 - البيت القديم
- 137 - كل الطرق فيها نقط للخروج م السباق
- 138 - نزل إزازك
- 139 - شوية أمل
- 140 - لازم تسمعني
- 143 - عادي تلاقيني فرحان بغني كاني عمري ما عرفت حزن
- 144 - رحتي فين؟
- 146 - أتحدّاك
- 147 - جاهل
- 149 - آخر حصتين
- 151 - معلقة غسل
- 152 - مساحة قلبي
- 155 - نفسي ف عيد شبه قلبك

أحدث إصدارات

الأستاذ

علي سلامة

■ محدث شاف وطن!



محدث شاف وطن!

صورتك أكبر بكثير م البرواز الصغير ...
خوفي كام مرة لون الاوضة اتغير ...
ورحمتك له فيها ...

سلامة



للطلب والاستفسار اتصل على
16766
www.nahdetmisr.com
our page/nahdet misr group

